

Cauhbingz Guh Aen Yizsiz Biengj Baiz Buek Daihsei*q* “Aen Mbanj Miz Gij Daegsaek Minzcuz Gvangjsih”

Mboengqneix, Cauhbingz Yen youq Coujmaj Cin Mbanjuzhingz guh aen yizsiz biengj baiz buek daihsei*q* “Aen Mbanj Miz Gij Daegsaek Minzcuz Gvangjsih”. Hocouh Siveij Dungcanbu、Si Minzcunghvej boudaeuz hoh Mbanjuzhingz aeu ndaej aen mingzdaeuz “Aen Mbanj Miz Gij Daegsaek Minzcuz Gvangjsih”, caemhcai*q* maqmuengh Cauhbingz Yen baengh baez hozdung neix hopndaet couqmaenh gij eiqsik caezcaemh Cunghvaz Minzcuz diuz sienqmeh neix, laebdaeb haeujlaeg haiguh aen hozdung cauhlaeb minzcuz doxgiet baenaj, dajcauh

aen mbanj miz gij daegsaek minzcuz baenz aen bingzdaiz hawj gak minzcuz “samgyau” caeuq guhyiengh hawj gak minzcuz caez doxgiet buekguh、caez mwnhoengh hwngfat. De muengh gak gaep gak bouhmonz henhoh hwngfat ndei aen mbanj miz gij daegsaek minzcuz, onjdingh doicaenh lajmbanj saenqhwn*g* caeuq hong cauhlaeb minzcuz doxgiet baenaj, ok rengz mbwk bae youh ndei youh vaiq hwnqguh Cauhbingz.

(Coh*u*h Ancingh/周岸青 Buz Yinhdingz/蒲欣婷)

► Vangzyauz Gujcin Mbanjyangz caemh guh aen yizsiz biengj baiz.



▲ “Guklw*g* baihdoengbaek” youq 1 nyied 12 hau*h* daengz Sanhgyangh.

Sanhgyangh:

“Guklw*g* Baihdoengbaek” Angq Youz Mbanjdung

1 nyied 12 hau*h* daengz 13 hau*h*, aen hozdung “vwnzva namzbaek yungzhab seizdoeng guklw*g* baihdoengbaek lijyouz yenzyo*z*” youq Sanhgyangh Duncuz Swciyen haiguh. Gizlinz Swngj Yenzbenh Cauzsenjcu*z* Swcicouh 12 bou*x* “guklw*g* baihdoengbaek” daengz aen diegbaeyou*z* Cwngzyangz Bazcai Linzh*ih* Cin yawj aen hoihciengz cawjdaeuz bi 2024 “cunhvanj” caeuq “cin daengz fanh gya” vwnzva vunzlai aen cieng daengx gu*ek*. Gyoengqde youq neix lijyouz hag fei*hyi*z, yawj laeuz yawj giuz、dingq fwen ngon*z* fou*x*、veh gij veh Duncuz、cimz gaiqgw*n* Duncuz, daejniemh lai cungj yienghndei Mbanjdung.

(Gun*h* Bujangh/龚普康 Liengz Siu*ming*z/梁秀明)

Haeuxfaengx Homfwd Coux Haicieng

1 nyied 12 hau*h*, vunzlai Ningzmingz Yen Cwngzcungh Cin nyinhcaen duk haeuxfaengx deq gvaq cieng. Youq Ningzmingz Yen, gvaq cieng noix mbouj ndaej haeuxfaengx, nyouq raen gij heiq haeuxfaengx homfwd*fw*d de, couh rox cieng yaek daengz lo. Gvaq cieng duk faengx、gwn faengx, lij miz gij eiqsei gaujsi “bau deng”. Doengh ranz miz lwnyeyz doegsaw haenx, cungj aeu duk di faengx ndeu, muengh lwg cograwz cunghgauj gauhgauj ndaej hwnj buengj.

(Coh*u*h Yizangh/周贻刚 Vuj Mingz/伍明)



▲ Vunzlai daj ndaw gu dawz haeuxfaengx okdae*u*j.

Cenzcouh:

Seizdoeng Naz Mbouj Hoengq, Ndaem Raet Demsou



▲ Vunzmbanj sou gij raetmoegngaex langh hawq de.

1 nyied 10 hau*h*, Cenzcouh Yen Yungjsui Cin Mbanjlozyahvanh, vunzmbanj yaeb raetmoegngaex bae gai. Vunzlai dieg de seizdoeng youq ndaw naz ndaem raet baenz gwn gaenq miz hauj*lai* bi, bineix daengx mbanj ndaem raetmoegngaex bwn、raetmoegngaex ndaem daengj gij raet baenz gwn aiq miz 70 fanh mbaeq, lai roenloh bang vunzmbanj demsou.

(Dangz Gvangjdungh/唐广东)